

Ew Kokkot Ren Angangen Cheki Chon Nonomw Non Ekkewe Nenien Tumunun Mei Apwangapwang

June 12, 2020

Nonnomun

Ekkewe nenien tumunun mei apwangapwang meinisin mei fat pwe nenien tumwunun mei apwangapwang non nakatamen fansoun (LTCF) mei watte ngenir efeiengawen ewe samwaa COVID-19 pwokiten mei chommong aramas chon nonomw non me ir mei pwan apwangapwang (awewe chok ren ekkewe ra chinnap nge mei wor ar watten samwaa). Ew auchean angangen ekisano an epwe wor ika epwe watteno fetanin samwaa non ekkew LTCF epwe fis ren cheki unusen ir fengen chon nonnomw me chon angang.¹

Non Oregon iei mei wor ukukun 685 ekkewe LTCF mei wor nour taropwen mumutan ar repwe anisi mei apwangapwang meren ewe Pekin Anisi ekkewe mei Mukkeno me mei Wor Osupwangen Tufichingawen Inisir (APD) me non ewe Putain Anisi me Tumwunuw Nonnomun Aramas non Oregon (APD). Ekkei neni a wor ukukun 31,000 chon nonnomw non me ukukun 29,000 chon angang non— kapach fengen unusan a wor ukukun 60,000 aramas mei nonomw non ekkei neni.² Tori iei, napengeni unusen ekkei neni ese mwo wor chon angang ika chon nonomw non a tori ei COVID-19.

Anongonongun ei Kokkot

1. Seni iei ngeni September 30, 2020, sipwe achocho ngeni pwe epwe unuseno angangen chekin monun ewe COVID-19 ngeni meinisin chon nonnomw me chon angangen ekkewe 685 nenien tumwunun mei apwangapwang ekkewe ra angei mumutan meren ewe Pekin Anisi ekkewe mei Mukkeno me mei Osupwangen Tufichingawen Inisir (APD) non ewe Putain Anisi me Tumwunuw Nonnomwun Aramas me non Oregon. Auchean pwopwun ei kokkot, fan iten ekkei neni mei fat pwe ir nenien tumwunun mei apwangapwang non nakatamen fansoun (LTCF).
2. Non ukukun 30 ran fansoun epwe unuseno ewe angangen chek mei fat non ewe Ewin Aonongonongun Kokkot, Fori angangen chek ren 25% chon angang iteiten murin fisu ran pun epwe unuseno ukukun 100% ra wesino ne chek iteiten maram non unusen ei fansoun ei samwaa mei chok chouno.

Masowen Ei Kokkot Sipwe Nenengeni

- An OHA kouk pwe ekkewe nenien chek non unusen ei state repwe jok tongeni fori angangen chek ngeni 17,000 iteiten wik, pwokiten mei wor ekkoch sokkun mettoch mei eppet an epwe mecheres fetanin touren ekkei pisekin chekin ei samwaa (ka tongeni katon ena kinikin fan ren Koukun Chon Repwe Tongeni Chek).
- Fiti an ewe Pekin Tumwunun Samwaa non Oregon (OHA) COVID-19 Omwokut me Kokkot ren COVID-19 non Oregon³, Oregon epwe tongeni fori angangen chek ngeni 12,500 aramas non ew wik ren an epwe tori ewe kouk an state fan iten ekkewe esapw ir chon nonnom non ekkewe LTCF.
- Ewe ewin poputan angangen chek epwe poputa non June 24, 2020 nge epwe unusochuno non September 30, 2020. The initial round of comprehensive testing will begin on June 24th, 2020.
- Ekkewe 685 nenien tumwun a wor ukukun 31,000 chon nonomw non me pwan 29,000 chon angangen non. A wor

¹ Ekkewe imw nenien tumwunuw ekan chinap rese tongeni ar repwe pusin anisir. Iwe, ir mei chok kukkun, usun kan imwen famini fiti chon nonomw non ina epwe chok ukukun 5 iwe ir ina resapw mwo pwan wor ar repwe mefi met mei fi non ekkewe LTCF ren nonomwun tumwunun ion mei samwaa. Ren iei, ina epwe chok ukukun 1,400 (.5%) ekkewe imw nenien tumwunun chinap mei a wor a torir ewe monun samwaa ren chon nonomw me chon angang. Fan iten mei chok kukkun met mei fis, ewe APD ese mwo anomwu non kokkot pwe epwe wor kokkotun nikinikin fori ewe angangen chek me non ekkewe imwen tumwun non ei atun. Fan iten nafangawen pisek iwe mei och epwe mwo chok fan iten ekkewe neni a wor ian ewe samwaa.

² Kapach fengen me ekkewe nenien tumwun, Oregon mei wor ekkoch pwan nenien tumwunun chinap ese mwo wor nour taropwen mwumwuta ar repwe tumwunu ekan mei mwukeno me chinap nge ir mei pwan kuna sokkun osukosuken epwe ifan ar repwe anisi an esapw chouno ewe semwen. Ew me nein ekkena neni ekkewe nenien mei mwukeno non ekkewe apartmen, mei fat pwe nenien ekan ra apwangapwang nge ir mei chok tongeni pusin anisir. Ese mwo wor neni me non state mei fat pwe ir mei kuta pworousen ekkei neni.

³ <https://sharedsystems.dhsosha.state.or.us/DHSForms/Served/le2346.pdf>

ekkoeh me nein ekkei aramas ra fen pin chek, nge ukukun chon repwe chek non ei pwoputan angangen chek ra ukukun 60,000.

- Napengeni ekkei neni mei wor ika epwe wor rer ekkei pisekin fori angangen chekin ei samwaaui iwe repwe pwan wisen fori me moni angangen chek, nge epwe wor aninis seni ewe OHA ren touren pisekin chek me an epwe anisi feinon ei angang.

Anongonong won met sia nenengeni ren masowen ei kokkot, unusehunon angangen chek non ekkewe LTCF epwe unuseno non September 2020. Non ach aneanei pwe kaworen ekkei pisekin chek esapw wor ekkesiwinin, an epwe unuseno ewe angangen chek non ew mochomochen fansoun epwe feito seni ika pwe ekkewe ekkoeh neni non Oregon mei chokukun met pisekin chek rer, mei pachenong angangen chek ren ekkewe sokkun kinikinin neni mei chommong aramas mei watte chon torir osukosuken ewe ei samwaaui me ian. Ekkei mei pachenong ekkewe neni non Oregon mei wor Hispaninc, ekkewe nenien aramas esapw ir chon merika, me pwan ekkewe aramas ir mei wonungawen tufichingawen an inisir tongeni me pwan ekkewe ir chon angang neni ei samwaaui.

Chepen 1. Wisen me An emon Angang fan Iten Ewe Angangen Chek non ekkewe LTCF

Iokkewe Chiechiom Non Ewe Angang	Wisom me Om Angang
Sokkun Nenien Tumwun non ewe LTC	<ul style="list-style-type: none"> • Chumong ewe pisekin chek ika pwe mei tufich • Repotei pungun ewe chek ngeni ekkewe LPHA me APD • Fori me anganga ewe kokkot an epwe chok sopwosopwono angangen nenengeni ekkewe chon angang me chon nonnomw non ewe neni, mei pachenong angangen chekin meinis chon angang iteiten 7 ran pun epwe unuseno ewe 100% repwe chek iteiten maram. Ei mei pachenong chon angangen meinis ekkewe neni me iteiten kinikinin fansoun angang. • Aninis non angangen affatena fetanin ewe samwaa me tumunun an chon angang repwe niwiniti angang me pwan angangen eimueno ion a fat pwe a nomw ren ewe monun samwaa. • Awora angangen osukuna chon angang, chon nonomw non ekkewe neni tori ar famini ren ian usun ar repwe fori angangen cheki me anisi eppetin an esapw chouno ewe samwaa. • Awora etipeew me ekkewe nenien lab ren sopwosopwonon angangen nenengeni fetanin chekin chon non ekkewe HCP. • Fori angangen met mei ururuoch ngeni nonomwun aramas ren met mei osukosuka ekiekin emon fansoun epwe fis ewe angangen chek • Wau pworousen ewe angangen chek ngeni chon nonom, chon angang, me pwan ion mei wor met an angang ngeni ewe nenien tumwun • Kamotiwun ewe angangen chek epwe kawor nupwen epwe unuseno ewe ewin kinikinin chek
Ekkewe nenien safei non ekkewe kinikin, nenien kaeo, ekkewe kompenien lab	<ul style="list-style-type: none"> • Epwe wor CLIA- taropwen mumutan me angang an ewe FDA ren Angang Atapwanapwan mei Mumuta ren ewe COVID-19 ren taropwen ekkewe mwokkun monun samwaa epwe pwa ren ewe monun ewe SARS-CoV-2 RNA • Awora ekkewe sokkun mettoch mei auchea ngeni ewe angang • Eniwini sefani met pungun ewe angangen chek mei tour non ukukun 48 awa
Ekkewe Putain Tumwunun Samwaa non Ekkewe Kukun Sopw (LPHA)	<ul style="list-style-type: none"> • Anisi ekkewe nenin fori angangen chek • Esinesin ngeni OHA met pungunon ekkewe angangen chek me non ekkewe neni • Angangen chosani iowe mei wor ren ewe monun samwaa • Aninis ne fori angang mei ururoch ngeni nonomwun aramas, ren met epwe osukosuka ekiekin emon aramas fansoun epwe fis ewe angangen chek • Chumong ekkewe pisekin chekin ewe samwaa fan iten ekkewe neni rese tufichin ar repwe pusin fori

Chepen 1. Wisen me An emon Angang fan Iten Ewe Angangen Chek non ekkewe LTCF

<p>Ewe Pekin Tumwunuun Samwaaun Non Oregon (OHA)</p>	<ul style="list-style-type: none"> • Angang fengen me ewe LPHA fan iten angangen ekkewe pisekin chekin ewe samwaaun • Angang fengen me ewe DHS ne monatiw niwinin ekkewe minen chekin ewe samaau non ewe kinikinin angangen chekin samaau • Amasowanong ian mei pwangeno me ian ren angangen chek me non ewe neni • Fori angangen chek me non ewe neni epwe nono fengen me met masowen non ewe anongonongun ewe kokkotun chek • Afetana me nenengeni fetanin angangen chek me non ewe neni • Angang fengen me ewe LPHA ne awora kapasen ourour won nikinikin angangen chek me tumwunun me non ewe neni • Aninis ne fori angang mei ururoch ngeni nonomwun aramas, ren met epwe osukosuka ekiekin emon aramas fansoun epwe fis ewe angangen chek • Angang fengen me ewe SOQ me ewe neni ne fori tetenin fansoun epwe fis angangen chek non ekkewe nenien tumwun anongonong won efeiengawen fetanin ewe samwaaun COVID.
<p>Iokkewe Chiechiom Non Ewe Angang</p>	<p>Wisom me Om Angang</p>
<p>Ewe Putain Anisi Nonomwun Aramas (DHS) – Ofesin Tumwunun, Nenengeni me Nonnomun Aramas (SOQ)</p>	<ul style="list-style-type: none"> • Fori angang mei ururoch ngeni ren tourochun pworous me kapasen ourour epwe wor nefinen ekkewe nenien tumwun me mwen epwe wor angangen chekn ewe samwaaun. • Non unusen ewe fansoun chekin ewe samwaaun, epwe chok sopwosopwono angangen mongungu fengen nefinen ekkewe nenien tumwun ika pwe mei namot epwe fis • Angang fengen me ewe OHA me pwan ekkewe nenien tumwun ne fori tetenin fansoun epwe fis angangen chek non ekkewe nenien tumwun anongonong won efeiengawen fetanin ewe samwaaun COVID. • Aninis ne fori angang mei ururoch ngeni nonomwun aramas, ren met epwe osukosuka ekiekin emon aramas fansoun epwe fis ewe angangen chek • Nenengeni nonomwun ekkewe nenien tumwun ren an epwe fat ukukun chon repwe chek • Angang fengen me ewe OHA ren kamotiwen niwinin ekkewe pisekin chek emon esapw pwan moni sefani niwinir nupwen fansoun a pwoputa kinikinin angangen chekin ewe samwaaun
<p>Ewe A Kefinita Pwe Epwe Wisen Aninis Won Met An Aramas Wewengaw me Kapas Eis Me Non Ekkewe LTC (LTCO)</p>	<ul style="list-style-type: none"> • Epwe fori pwe kokkotun angangen chek epwe weweoch me pwan aninis won sokkun kapas eis me fatefatengaw mei wor seni ekkewe chon repwe chek. • Epwe anisi ngeni ekkewe chon nonomw me famini ar repwe weweiti pwe ewe angangen chek, ika mwo pwe mei wosen pochokun kapasan pwe epwe fis, mei tongeni pwe emon epwe pusin finata. • Epwe wisen atoura porousen met mei fis ngeni ewe SOQ ren met mei fat pwe mei fis mei osukosuka an emon chon nonomw non ewe neni pwuung.

Chepen 1. Wisen me An emon Angang fan Iten Ewe Angangen Chek non ekkewe LTCF

Ekkoch Mwicheichen Aninisin Aramas (Oregon Health Care Coalition, Leading Age)

- Aninis ren pekin osukun me touren pworous ngeni ekkewe nenien tumwun nupwen epwe ne fis ewe angangen chek me pwan ekkoch pwopun mei auchea fan iten ewe mwokutukut. Echiechi fengen me ewe SOQ ne awora angangen osukun ngeni ekkewe chon nonomw non ekkewe nenien tumwun won nonnowmun ewe COVID-19 non ekkewe nenien tumwun ren watten efeiengawan ngenir, me pwan auchean monofich ngeni pwan ekkoch sakkun samwaa epwe tongeni pwan fis; pachenong auchean ewe angangen chekin ewe samwaa.

Ekkewe Mwich Mei Kochufengen

- Angang fengen me ewe SOQ ne fori kookun nonnomwun ekkewe neni epwe fiti met mei ururun pwe epwe wor, ese pwan anongonong won nonnomun ewe mwichen aramas mei kochufengen.

Fori pwe epwe Nonnopok, Sokkun Angangen Aninis Mei Ochungeni Nonnomwun Aramas Ngeni Ekkewe Mei Osukosuk Ar Ekiek Ren Ewe Angangen Chek

Weweiti usun nonnomun Oregon me ewe angangen chekin ewe samwaaui mei fis non neni me neni epwe ina anongonongun an epwe wor anonopokun ewe angangen chekin COVID-19 non ekkewe LTCF. Mei wor nukunukumangen me nuokus ren chon non ekkoch ekkewe neni ren iokewe rese mochen me rese sinei pwe repwe nomw non angangen nenengeni ika kaeo ngeni ew sokkun mwokutukut non pekin manawen aramas. Seni nepoputan an a wor angangen kae ngeni nonnomwun fefin, ngeni ekkewe chon Tuskegee me ewe angangen fori pwe emon fefin esapw tongeni epwe wor noun ngeni ekkewe fin Indian, fin Merika ir mei chon, ekkewe Fin Latina, me pwan ekkewe ir mei wor terir. Sipwe weiweiti ekkei sokkun mettoch mei is me osukosuka non ekiekin emon aramas, ekkoch seni non ewe 1970, iwe sipwe awora met sokkun omwokut sipwe fori epwe fis pwe ina met epwe awora sefani ewe nukunuk me ekisano ewe nuokus mei wor ren ekkoch pun epwe anisikich as sipwe tongeni ennetin tumwunuw nonnomwun ekkewe ir mei nonomw non ekkewe LTCF ir mei kan kon watte ar apwangapwang me ekkewe mei fat pwe ir tufichingawen nonomwun inisir .

Ikkei ekkei tettenin met sipwe fori ren met epwe ururoch ngeni nonomun aramas an epwe anisi an esapw wor met epwe osukosuka ekiekin aramas ren ewe angangen chekin ewe samwaaui:

- Meininis ion epwe fori ewe angangen chekin ewe samwaaui epwe fiti oukunen uruwon nonomwun angangen chekin ekkewe aramas mei fat pwe ir mei sakkono non nonomwun me ar tufich won inisir me non ekkewe neni.
- Meininis angangen touren pworous epwe wor non kapas epwe mecheres an emon epwe weweiti, epwe fiti ngeni an ADA, iwe epwe pwan wor non kapasen ekkoch fonu me nukun fosun Merika, mei pachenong nikinikin fos non pwom. Ika ian epwe tufich me fateoch me ian, angangen touren pworous epwe iteiten ruw wik me mwen epwe wor ewe angangen chekin samwaaui pun epwe wor fansoun an churi emon me emon ne nengeni sefani nonomur me epwe pwan wor weweoch ren ekkewe ir mei mnei an emon epwe anisir ren ar repwe weweiti me met repwe finata.
- Ika epwe tufich, ekkewe chon wisen fori ewe angangen chek ir repwe tufichin kapas non kapasen fitu fonu/tufichin weweiti eorenien fitu fonu pun epwe tongeni wor wewefengeni me epwe anisi an esapw wor nuokus ren ekkewe chon nonomw non ekkewe nenien tumwun ir repwe fiti ewe angangen chekin ewe samwaaui.
- An ekkewe chon nonomw non ekkewe neni pwuung me tumwun nonomwun epwe fokkun tumwun non fansoun epwe fis ewe angangen chek. Epwe wor sokkun angangen finata epwe fiti ngeni nonomwun ewe aramas fan iten an epwe awora ngenir fansoun ar repwe weweiti met ar pwuung me pwan tumwun nonomwun emon me emon ir. Met chok sokkun pworous epwe tongeni tou nukun epwe chok ren fite ukukun mei torir ewe samwaaui, me mei mano me met sokkun tichikin ukukun pworousen ewe neni mei fis non fansoun fetanin ewe samwaaui.
- Ewe angangen ion epwe wisen aninis nefinen ekkewe chon nonomw non ewe neni me chon angang epwe fat fan iten touren pworous ngeni unusen chon nonomw non ewe neni repwe fiti ewe angangen chekin ewe samwaaui.
- Epwe pwan wor sokkun aninis ren met mei ururoch ngeni nonomwun eorenien ewe aramas me aninis ren angangen namanam epwe wor fansoun epwene fis ewe angangen chekin ewe samwau ngeni chon nonomw non ewe neni ren aninisin memefin inisir me nuokus mei wor rer pwe epwe tongeni anisi kinamwen ar ekkiek.
- Ew me ew ekkewe neni repwe porous fengen won sokkun kokkotun ewe angang ika pwe a wor emon chon non ewe neni a fat pwe a tori ewe samwaaui, repwe fiti metekewe afen tetenitiw me assan non met ururun repwe fori, fiti ngeni an ADA, non met fos me sokkun eoreni mei ururoch me aninisin nonomwun ekkiek. Repwe pwan pachenong ekkewe sokkun mwokutukut epwe fis ren angangen touren pworous nefinen aramas nupwen emon epwe nomw non nenian imwuno seni meininis. Ei mei pachenong mwich won asepan epwe nounou iPad, an chon chuto repwe chok pworous fengen non asamawacho, me sokkun aninis an namanam mei fis chok won fon ika pwan ekkoch sokkun metoch.
- Esapw wor angangen wor onnuk ngeni ekkewe chon angang an esapw wor asokafeseni aramas fan iten nonomwun

me pwan ngeni chon nonomw ion ir mei fat pwe ir mei sakkono ren tufichingawen inisir me nonomwur. Ekkei mei pachenong ekkewe nampa sikan kokori fansoun atapwanapwanen osukosuk me pwan aninisin ekkewe chon nonomw non ewe neni ir mei mefi ekkei sokkun osukosuk. Akkaewin, ekkewe re feito seni Asia, me ekkewe chon merika pwan ir chon Asia, ra men kan mefi watten an aramas osukosuker fan iten ian re feito me ian non ei fansoun COVID-19 pwokiten ewe monun samwaau a fen iteni pwe "Chinese virus". Pwan iei usun chok ren ekkewe chon nonomw non ekkewe LGBTQ ikewe ian ewe monun samwaau ren HIV a pwoputa ne chou fetan me ian pun aramas ra pwan eitangeni ewe monun samwaau "gay virus" iwe mei awora ngeni an esapw fokkun wor aninisin tumwun ngeni ekkoch chon nonomw non ewe neni on ukukun engon ier.

- Inamwo ika met pungun ar ra chekir, ekkewe chon angang repwe cheki sefani meinisin chon nonomw non ewe neni, repwe fori usun met mei affat pwe epwe ina usun anen an epwe tour pworous me pwan ekkoch sokkun mei affat me asan ren anen an epwe wor kapas eis me nengeni sefani nonomwun ekkewe chon nonomw non ewe neni me pwan tumwunun ar kewe pwuung. lei kiien an epwe sopwosopwono angang fengen.

Ekkei tettenin met repwe fori epwe tongeni nakatam fansoun an epwe tongeni tonong non onnuk, nge inamwo mei auchea pwe kich usun ew state, sipwe esinaochu met epwe tongeni fis ren ei angang iwe sipwe pwan kuta anen ach sipwe ekisano met kewe efeiengawan. Angangen aninisin aramas ren pekin tumwun esapw iteitan mei wor an ekkei sokkun aramas pwuung non, fengen me ese anonopok ngenir fansoun meinisin.

Koukun Fansoun Epwe Fis Ei Omwokut me Met Ekkewe Neni Repwe Akkaewin Anomwu non ar Kokkot

Ei kokkot mei ruu kinikinin non. Ewe ewin kinikin e chochongeni fori angangen an chon nonomw me chon angangen non ekkewe LTCF non Oregon repwene chek fan ew nefinen June 21, 2020 me September 30, 2020. Ewe oruwen kinikin epwe fori pwe meinisin ekkewe LTCF repwene fori me anganga sokkun kokkotun an epwe sopwosopwono angangen nenengeni me cheki nonomwun chon nonomw me chon angangen ekkewe nenien tumwun.

Ei koukun fansoun an epwe fis mei affat me fan epwe anongonong won kaworen ekkewe pisekin chekin ewe samwaaui iei mei sopwosopwono an epwene kouk iteiten wik me mei chok wor ekkesiwinin kaworan iteiten wik. Pwan sopwosopwun, ussun met mei affat non an OHA iwe Omwokut me Kokkot ren Angangen Chekin COVID-19 me non Oregon, ⁴, epwe sopwosopwono angangen akkoumwa angangen aninis ren chounon ewe samwaaui me angangen chekin ewe samwaaui epwe anongonong won ekkewe ir mei ururun pwe repwe chek ussun met mei affat non masowen ewe omwwokut me kokkot.

Kinikin 1: Ewe Angangen Cheki Meinisin Chon Angang me Chon Nonomw

Ewe ewin kinikin mei wor ruanu tettenin kinikinin non

1. Kinikin 1: Angangen Non Ekkewe Nenien Tumun (6/14-6/23)
 - a. Pworousen tichikin masowen ewe omwokut ngeni ekkewe nenien tumwun me pwan ekkoch chiechier non ewe angang mei nomw non Chepen 1.
 - b. Nenengeni nonomwun ewe nenien tumwun ren met ukukun angangen chek me met angangen chek a fen fis, affata met mei auchea epwe wor, ren chon angang me pwan ekkoch met metoch epwe wor fansoun ewe angangen chekin ewe samwaaui.
 - c. Fori tettenin fansoun epwe wor angangen chek, akkoumwa ekkewe neni ir mei nomw non tettenin pwe epwe kon watte efeiengawen ewe samwaaui ngenir ren sokkun aninis ir mei fori me neni re nomw ian, me pwan seni met masowen an OHA nenengeni.
 - d. Angang fengen me ewe Mwich Mei Ochufengeni Chon Angangen Pekin Health meinisin an epwe wor angangen kutaeochu nonomwun me fetanin ewe samwaaui.
2. Kinikin 2: Oonusano angangen chek ngeni ekkewe neni ir mi nomw non tettenin Aewin me Oruwen tettenin repwe chek me mwen July 29, 2020.
3. Kinikin 3: Oonusano angangen chek ngeni ekkewe neni ir mei nomw non tettenin Eunungatin me Oruwanun tettenin repwe chek me mwen September 2, 2020.
4. Kinikin 4: Oonusano angangen chek ngeni ekkewe ir mei nomw non tettenin Enimuwan me Owonuwan tettenin repwe chek me mwen September 30, 2020.

Ekkewe Nenien Tumwun Non En Me Tettenin

Ekkewe nenien tumwun ir mei tongeni pusin anganga fansoun epwe wor angangen chek ir mei tongeni fori ese pwan nifinifin fansoun. Fan iten mei wor met a kan eweiresi kaworen ekkewe pisekin chek, iei popun, epwe tongeni pwe ewe angangen chek epwe anongonong won tettenin ekkewe nenien tumwun. APD a mochen pwe epwe wor angangen atettenin ekkewe nenien tumwun anongonong won efeiengawen ewe samwaaui ngenir.

⁴ <https://sharedsystems.dhsoha.state.or.us/DHSForms/Served/le2346.pdf>

APD a fen pwoputani nge ioni sakkun met pworous mei auchea anongonong won noun ekkewe nenien tumwun taropwen mumutan fori angangen tumwun ren LTCF ren ei COVID-19 seni fan ewe March ren ion chon nonomw me chon angang mei fat pwe a torir ewe samwaa. Ewe APD a awora taropwen mumutan angang won unungat sakkun watten kinikinin angang (nap seni 5 nenien nonomw) ekkun nenien tumwun mei ochufengeni sokkun tumwun ren LTCF; nenien tumwunun ekkun ra chinap, nenien tumwunun ren mei apwangapwang non imw esapw pukutan imwer, nenien tumwunun mei apwangapwang ren ekkun ir mei mnei an emon epwe anisir fansoun meinisin. Ekkun nenien tumwunun chinnap a kon watte sokkun angangen tumwun mei fis me pwan chommong chon nonomw non ir mei kon apwangapwang. Ekkewe nenien tumwunun mei apwangapwang esapw pukutan imwer me ekkewe nenien tumwun mei apwangapwang nge epwe wor chon anisir fansoun meinisin ese kon watte angang epwe fis non. Chommong ekkei nenien tumwunun mei apwanapwang mei wor chon nonomw non rese chiwen kan fatafateoch ar ekiek, iwe mei mutata ngeni ekkewe neni ar repwe tumwunur anongonong won ewe sokkun ra nonomw non. Ekkewe nenien tumwun ir mei fori angangen tumwun ngeni ekkewe ra kan fatangaw ar ekiek mei pwan watten met angang repwe fori akkaewin ren sokosokun ekkewe chon nonomw, nupwen ar repwe tongeni anisi ngenir met sokkun angangen nimenimoch me tumwunun nimengaw repwe fori me ourourer wor met repwe fori epwe anisi ar resapw torir samwaa.

Iwe ren iei, met ra kuna ar ra nenengeni masowen taropwen ekewe neni pwe ekkewe nenien tumwun chinap epwe kon watte efeiengawen ewe samwaa ngeni nupwen epwe tori ewe neni. Tori non ewe May 20, ukukun 25 LTCF a wor akkaemon chon nonomw ika chon angang ra fat pwe a nomw rer ewe COVID-19. Ina epwe ukukun 12 (48%) nenien tumwunun chinnap me non ena nampa mei affat asan. Ir me ruu ekkewe neni mei wor chon ra torir ewe samwaa me pwan ewe koukun chon ra torir ewe samwaa me non ekkewe neni me ese mwo naponu ukukun chon torir ese wor ekkewinin ukukun chon torir ukukun 50% me non ekkewe nenien LTCF a wor ewe samwaa ian nge mei chok nomwono won ukukun 20% ren koukun neni a wor ewe samwaa ian.⁵

Ese pwan nifinifin ian re nomw ian, ekkewe nenien tumwun non Multnoma, Washington, Clakamas, Yamhill, Marion me Polk ikkena ekkena nenien LTCF a pwa me ian ewe samwaa, iwe a pwan fat pwe ikena ekkena neni epwe kon watte ngenir efeiengawen ei samwaa.

Anongonong won met sia kuna, DHS me OHA ra anomwu non kokkot pwe ewe angangen chekin ei samwaa epwe anongonong won met sokkun angangen tumwun mei kawor me pwan ian ewe nenien tumwun e nomw ian, pwoputa won ekkewe nenien tumwun non Multnomah, Washington, Clakamas, Yamhill, Marion me Polk, me pwan saingoni won ekkewe ekkoch sokkun nenien tumwun non unusen ei state.

An epwe fiti ngeni met mei affat pwe ina met mei auchea, Chepen 3 fan a atetteni ekkewe LTCF fan iten ewe angangen chekin ewe samwaa anongonong won met sokkun aninis mei wor me ian re nonomw ian me pwan afatatiw ewe koukun fansoun epwe fis me unusochuno ewe angangen chek ngeni chon angang me chon nonomw non ukukun 3 maram.

Chepen 2. Attetenin iteiten ekkewe LTCF ren angangen chek anongonong won sokkun aninis mei wor me ian re nomw ian, me pwan ewe koukun epwe unusochuno non 3 maram.

Tettenin Non Koukun Nonomwun	Met Sokkun	Ukukun Imw mei Wor	Fitemon Chon Nonomw	Fitemon Chon Angang	Kapachfengen Meinisin	Inet Fansoun (4,286 angangen chek/wik)

⁵ Ewe mwichen tumwunuw nonomwun neni me non Oregon (awewe ren ekkewe nenien chinap ika nenien tumwunun mei apwangapwang) mei monau anisir moni ren ei COVID-19. Iei mei wor rech ukukun 556 neni ir mei naisen ar repwe aninis ne tumwunuw mei apwangapwang. Me non ei ukukun, a chok ukukun 13 (2.3%) ir mei fat pwe ir mei wor chon nonomw ika chon angang mei samwaa ren ei COVID-19. Ei koukun nampa sia tufichin angei seni ifan koukun angang mei fis ren chon nonomw ir mei imwuno seni meinisin me non ewe neni.

1	Ekkewe nenien tumwunun chinnap non Multnomah, Washington, Clackamas, Yamhill, Marion me Polk.	71	4,708	7,075	11,783	Wik 1-3
2	Ekkewe pwan ekkoch nenien tumwun mei wor angangen anisi ekkewe ir mei kan fatafatangaw ar ekkie non Multnomah, Washington, Clackamas, Yamhill, Marion me Polk.	122	4,516	3,163	7,679	Wik 4-5
3	Nenien Tumwunun Mei Apwangapwang rese pwan fori angangen tumwun ngeni ekkewe ir mei fatafatangaw ar ekkie non Multnomah, Washington, Clackamas, Yamhill, Marion me Polk.	169	8,377	5,869	14,246	Wik 6-8
4	Nusun meinisin nenien tumwun chinnap non Oregon.	58	3,807	5,721	9,528	Wik 9-10
5	Nusun meinisin nenien tumwunun mei apwangapwang mei wor angangen tumwunun ekkewe ra kan fatafatangaw ar ekkie non Oregon.	92	2,958	2,072	5,030	Wik 11
6	Nusun meinisin nenien tumwunun mei apwangapwang non Oregon nge ese pwan wor angangen anisi ekkewe ra kan fatafatangaw ar ekkie.	173	7,215	5,056	12,271	Wik 12-14
	Kapach fengen meinisin	685	31,581	28,956	60,537	

Kinikin 2: Sopweno Angangen Nenengeni ren ekkewe Nenien Tumwunun mei Apwangapwang

Oruwen kinikinin ei omwokut ika ottot fan iten sopwosopwono angangen nenengeni fetanin ewe samwaa COVID-19 me non ekkewe LTCF. Sopwosopwono me nenengeni fetanin ewe samwaa mei auchea fan iten epwe anisi an esapw wor chouno ewe samwaa me epwe pwan tumwunu ekkewe chon nonomw non ewe LTCF. Ew me ew ekkewe neni repwe fori ar angang nge epwe wor ar kokkot fan iten agangen cheki ekkewe chon nonomw me chon angang (HCP) ren ei COVID-19⁶ auchean fan iten an epwe anisi ekkewe ir mei kan kon apwangapwang me neir. Ewe kokkot epwe foruta nge epwe echiechi fengen me an ewe OHA, DHS me pwan ekkewe nenien tumwunun samwaa non pusin ar kewe kinikin ren an epwe unusochuno ewe angangen chekin ewe samwaa non ukukun ew maram nge epwe pachenong ekkei:

- Epwe wor angangen cheki meinisin chon nonomw me HCP iteiten ran ika pwe ir mei urir pwichikar me pwan ika mei wor ekkewe esisinen COVID-19 rer me pwan cheki ese nifinifin chon nonomw ir mei pwichikar me mei pwan wor ekkis

⁶ Ekkewe HCP mei pachenong, nge ese pwan kukun seni, chon angang fansoun atapwanapwanen osukosuken samwaa, kangof, chon aninis ngeni kangof, dokter, chon angangen sokkun mwesinen aninisin mei samwaa, chonaninis non sakkopaten an emon osukosuk ika samwaa, chon angangen non ekkewe nenien safei, chon sukun chon kaeo ngeni ewe pekin angang, ekkew ir mei nomw won contract ren HCP nge rese mwo wosen chon angangen ewe neni, ekkewe chon angang rese pwan aninis non tumwunun ewe chon nonomw non ewe neni, nge ir mei tongeni pwe repwe torir ewe monun samwaa me non ewe LTCF (awewe ren, chon angangen namanam, chon aninis ren pekin diet, chon sopw, chon massa ewe neni, iwe chon angangen non ofesin ewe neni, me pwan ekkoch)

esisinen ewe COVID-19 rer. Ekkewe HCP ir mei pwichikar ika mei wor esisinen COVID-19 rer repwe chek me pwan aseseno seni angang tori an epwe fat pungun ar iwe chek. Ekkewe esisinen ewe samwaau:

- ▶ Pwichikar ika fou
 - ▶ Mor
 - ▶ Weires ngasangas ika weires an epwe ngasangas
 - ▶ Menuu apwangapwang non inis
 - ▶ Metekitek non inisin meinisin
 - ▶ Metek mokur
 - ▶ Ese neni me tini pwonon mongo ika metoch
 - ▶ Metek non chior
 - ▶ Ngut Pwot ika Mongen pwot
 - ▶ Eningaw ika mwus
 - ▶ Feinsen
- Ika pwe emon chon nonomw a chek nge a fat pwe a nomw ren ekkewe esisinen ewe samwaau iwe epwe imuno tori [met pungun an iwe chek](#) mei nomw won ewe koukun:
 - ▶ A ukukun 3 ran me murin an a chikar sefan, a kisino an iwe pwichikar nge ese wor safei mei nomw won me pwan a wor ekkesiwinin fetanin an ngasangas (awewe ren, mor, weires fetanin ngasangas), ME PWAN
 - ▶ A ukukun 10 ran me murin an wor ren ewe ewin esisinen ewe samwaau
 - Ekkewe chon nonnomw re chek nge ra fat pwe ra wor rer ewe monun samwaau nge ese wor rer esisinen ewe samwaau repwe imwuno seni meinisin tori [met pungun an iwe chek](#) mei tori koukun 10 ran me murin ewe atun a fat pwe a omw ren ewe monun samwaau, ika pwe ese mwo wor ren ekkewe esisinen ewe samwaau, nge ika pwe a wor esisinen ewe samwaau iwe mei ururun pwe epwe imwuno.

- Angangen nenengeni ekkewe HCP: CDC mei affata pwe iteiten wik epwe wor angangen nenengeni ika cheki ekkewe HCP non ewe fansoun ewe state a suk sefan, nge mei pwan enenia angangen anonopoku meinisin. Ren an Oregon angangen anonopoku meinisin, meinisin ekkewe LTCF mei namot pwe repwe cheki ukukun 25% ren meinisin HCP iteiten 7 ran pun ewe koukun 100% epwe unusono non iteiten maram. Ei mei pachenong ekkewe HCP seni sakopaten fansoun kunokun angang me pwan ese nifinifin ian ewe nenien tumwun e nomw ian.
 - ▶ Ekkewe HCP ir mei fat pwe a wor rer monun ewe samwaau me pwan wor rer esisinen ewe samwaau repwe kouno me angang. Repwe tongeni niwiniti angang me murin⁷:
 - » Epwe ukukun 3 ran me murin ar ra chikar sefan, an a wes senir ar pwichikar nge ese wor safei re angei- me a pwan wor ekkesiwin ngeni fetanin ar ngasangas (awewe chok ren, mor, me weiresin fetanin ngasangas), ME PWAN
 - » An a ukukun 10 ran me murin an a wor rer ewe ewin esisinen ewe samwaau.
 - ▶ Ekkewe HCP mei fat pwe a wor rer monun ewe samwaau nge ese mwo pwa esisinen ewe samwaau wor repwe asese seni angang. Repwe tongeni niwin sefan ngeni angang me murin:
 - » An a ukukun 10 ran me murin an a wor rer ewe ewin esisinen ewe samwaau.
- Cheki meinisin ekkewe HCP non ekkewe neni meinisin me pwan awora chek ngeni meinisin chon nonomw ika pwe a wor pwan minafa a tori ewe samwaau⁸ ika ir mei nikinikin pwe a wor rer⁹ ewe COVID-19 me nein ekkewe chon nonomw ika chon HCP, iwe pwan cheki sefanir iteiten wik ren tumwun chon nonomw non ewe neni. Sopweno ne fori angangen chek iteiten wik tori an epw ukukun 14 ran me murin ewe mei fat pwe a keran tori ewe monun samwaau.
 - ▶ Ekkewe chon nonomw ir mei chek nge a wor rer ewe monun samwaau nge ese mwo pwa esisinen ewe samwaau rer me pwan ekkewe chon nonomw rese mochen repwe chek nge a pwa esisinen ewe samwaau rer repwe imuno non nenier on ukukun 10 ran seni ewe ranin ra wor rer ewe monun samwaau, tori an esapw chiwen wor esisinen ewe samwaau rer, ren ena wewe angangen eimwureno epwe fiti angangen eimwueno ekkewe ir mei wor rer ewe monun samwaau
- Awora chek ngeni ekkewe minafon chon nonomw non ewe nei me mwen ar repwe tonong nonomw non ewe neni. Ika pwe ra chek nge ese wor rer ewe monun samwaau me ese pwan wor rer esisinen ewe samwaau, iwe repwe imuno non nenier non ukukun 14 ran iwe murin repwe pwan chek sefan. Ika pwe ra chek sefan nge ese pwan wor rer ewe monun samwaau, ika rese chiwen mochen chek sefan nge ese pwan wor rer ewe monun samwaau, iwe ese pwan chiwen namot ar repwe imwuno non nenier.
 - ▶ Ekkewe LTCF epwe pwan wor rer ekkei non ar kewe neni:
 - » Ika pwe ese mwo wor angangen cheki nonomwun ekkewe neni, epwe pachenong angangen nengenisefani

⁷ [Sokkun nikinikin fori angangen chek](#)mei tongeni pwe epwe fis ika pwe epwe wor chon angang epwe niwiniti angang me murin an nomw ren ewe monun samwaau non ukukun nap seni 10 ran (awewe chok ren, be preferable when making return to work decisions for individuals who might remain infectious longer than 10 days (e.g., ekkewe mei wosen watte efeiengawan ngeni nonomwun inisir). Awora ekiikin angang fengen me ewe putain tumwunuw samwaau nupwen epwe fis ei sakkun.

⁸ Emon epwe fat pwe a wor ren COVID-19 nge epwe fat meren ewe NAAT (awewe chok ren ewe sokkun metoch rekan aea ne cheki monun non inisin aramas [PCR]) me non ese nifinifin meni lab mei affat meren ewe CDC pwe ina nenien chekin ewe samwaau; ika meren ekkewe Lab mei affat meren ewe FDA pwe repwe aea fansoun atapwanapwanen osukosuk.

⁹ Emon mei nikinikin pw a nomw ren ewe monun COVID-19 nupwen a chek, ika pwe mei wor ren ekkewe ruw sokkun: weires an epwe ngasangas, mor, pwichikar, weires an epwe neni me tini pwonon metoch ika mongo, ika esisinen pwe a wor ren ewe semwnein pnueonia; iwe epwe ne nikinikin pwe epwe ne samwaau; non ewe ukukun 14 ran me mwen an epwe wosen uri ewe samwaau, nge mei nonomw no ew neni me kanengeni mon mei wor emon mei uri ewe samwaau ian.

angangen tumwunuw chon ra torir ewe samwaaun nupwen fanoun repwe fori ewe angangen chekin ewe samwaaun non uunusen ewe nenien tumwun.

- » Epwe wor, ekkewe HCP ir mei kaeo ngeni ar repwe fori angangen chekin ewe samwaaun pun esapw pwan wor an ekkewe chon nonnomw non ewe nenien tumwun repwe no ngeni ekkewe nenien safei ren ar repwe chek.
- » Epwe sokkun omwokut repwe fori nupwen repwe fori angangen chekin ewe samwaaun ngeni ekkewe chon nonnomw ika HCP rese mochen ika rese tufichin ar repwe chek (awewe chok, ekkewe chon nonomw me HCP ir mei wor rer esisinen ewe samwaaun nge rese mochen repwe chek ir repwe onomwur non tetenin pwe ra wor rer monun ewe samwaaun)

Ika pwe, nupwen fansoun epwe wor chounon ewe samwaa, ew nenien LTCF ese tufichin an epwe fori angangen cheki ekkewe chon nonomw me chon angang, epwe tingor ngeni ewe Putain Tumwunun Samwaa me non ar iwe kinikin epwe aninis non ekkei kinikin:

- Aninisin angangen lab me ren ewe OSPHL ren angangen chek me non unusen ewe nenien tumwun.
- Ekkewe PPE ar repwe tongeni ioni met sokkun metoch ir mei angei non fansoun ar cheki ekkewe chon non ewe nenien tumwun ren ar repwe tongeni omwokutur non ururun nikinikin angangan.
- Ekkewe chon angangen non clinic ir mei wor nour taropwen mumuta ar repwe angei masowen ewe angangen chek. Mei auchea pwe ekkewe chon angangen non ekkewe nenien tumwun ir repwe wisen angei meren ekkewe chon nononmw met masowen ar repwe chekir pun epwe tongeni pwan mecheres ar repwe mochen pwe repwe chekir. Ekkewe HCP ir ekkewe chon nonomw non ekkewe nenien tumwun ra eorenir epwe tufich ngenir ar repwe aninis ngeni ekkewe chon nonomw mi weires ar repwe tongeni mutata pwe repwe chek, pun epwe pwan ekisano angangen awewei ewe samwaa COVID-19.
- Osukunen ekkewe chon angang me chon nonomw non ewe nenien tumwun fan iten ewe angangen chek.
- Aninisin tumwunuw ekkewe chon urir semwen mei anisi fetanochun anangen chekin ewe samwaa.

Nupwen epwe wor chon non ekkewe LTCF epwe fat pwe a nomw ren monun ewe COVID-19 non ewe fansoun nenengeni me fori angangen chek ren ewe a nomw ren ewe esisinen ewe samwaa, epwe wor angangen chosani, epwe fis fan emwenien ewe Pekin Tumwunun Samwaa me non ewe kinikin me pwan ewe OHA me ewe DHS:

- Sokkun omwokut ren angangen chekin ewe samwaa epwe fis usun a fen affat me asan.
- Ekkewe chon nonomw ir ra fat pwe a wor rer ewe monun COVID-19 repwe imuno non nenier me pwan chon tumwunur repwe ounusa sokkun pisekin eppetin an esapw torir ewe samwaa ren (ekkewe uf rekan ufouf, tukutukun paaw, pwonupwonun aaw me pwot, epetin meser ika pwonupwonun meser) tori an ewe chon nonomw epwe pwa pwe a wor ren ekkei [ese chiwen sopwosopwono me fori angangen an esapw tongeni tori pwan emon](#).
- Ion chiechien ewe chon nonomw a tori COVID-19 non rumwan me pwan ion chon nonomw non ewe nenien tumwun mei nomw kanengeni ian ewe chon samwaa e omw ian (<6 fit towawan non ukukun 15 minits) repwe imwuno non nenier non ukukun 14 ran.
- Ika pwe mei nap seni emon chon nonomw a wor ren ewe COVID-19, angangen ochureno mei auchea an epwe fis fiti iowe chon angang epwe wisen anisir.
- Ika pwe angangen eimureno a nap seni ukukun nenien imwuno me non ewe neni, ekkewe chon nonomw mei tongeni pwe repwe pwan nomw non ekkoch neni me nukun ewe.

Pwan ekkoch sopwosopwun A: Koukun chon repwe chek me niwinin

Koukun chon repwe chek

Non ewe May 1, Ewe Pekin Tumwunuuw Samwaaun non Oregon (OHA) a atou ew an anapanap ren kokotun angangen chekin COVID-19 non Oregon. Ewe Kokkot ren Angangen Chekin ewe samwaaun a kouk won epwe kan 15,000 iteiten wik iwe epwe fis non an epwe fori an Oregon we mochen pwe angangen afetana fetanin ewe samwaaun me anisi kukunnon fetanin ewe samwaaun epwe anisi an Oregon epwe tongeni suk sefan. Oregon a fen tori ei koukun ren chon repwe chek non ewe ruw wiiken May (Chepen 1) iwe mei pwan achocho ngeni an epwe sopwosopwono won ena koukun tori fan June. Ei kouk mei pachenong 2,500 chon chek iteiten wik nupwen epwe wor mei samwaaun me non ewe LTCF nupwe epwe fis nge ese mwo wor an epwe pwoywuta angangen chek ngeni chon nonomw me chon angangen ekkewe LTCF.

Mei wor ukukun unungat neni ra wisen fori ewe angangen chek non Oregon: Ewe Nenien Lab non Oregon (OSPHL), pioing, me ekkewe nenien lab an kompeni. Inamwo ika ekkei neni mei unusoch met ar pisek ren fori angangen chek (lab, mwesinen chek, chon angang, me pwan ekkoch) ir mei mwo ekis eukuk ar angang non ei fansoun ren kaworen ekkewe metochun ar repwe tongeni fori angangen chek (ekkewe katon mei nomw won omwuch ussun chuun non seningach, ekkewe nenien ar repwe wanong metewe ra angei seni ewe mei samwaaun). Meinis in ekkei state non merika ir mei ani ei osukosuk iei.

Ekkewe nenien chek ir rekan angei ar pisekin chek meren ru neniT—ach mwuunap (FEMA) me ekkewe sitowa an aramas. Me ru ekkei neni me rekan awora ngenir ar pisek mei kukununo met re awora fan iten kukunnon met mei wor. FEMA e awora ekkewe pisek ngeni ekkewe state nupwen ra tingor senir, iwe ewe state a nenengeni epwe ifan usun an epwe eineti ekkewe pisek nupwen ra wor rer. OSPHL re angei ar kewe pisekin chek seni state. Ekkewe pioing re angei ekkoch ar kewe pisekin chek seni state, nge ir mei pwan moni ekkoch seni ekkewe sitowa an aramas. Ekkewe ekkoch lab re moni ar kewe pisek seni ekkewe sitowa an aramas.

Ika mwo ewe state mei sinei ukukun met pisekin chek re tingor ngeni FEMA, ese fateiti ika epwe ifan ukukun FEMA epwe tongeni ngenir non ew fansoun. Non ekkewe wik ra no, state a fen awora an tingor ren ukukun pisekin chek an epwe naf ngeni 15,000-25,000 non ew wik. Ika mwo pwe, state mei chok sopwosopwono me angei ukukun nesopwun metewe mei awora tingorun, nge mei chok naf ukukun met pisekin chek mei kawor meren ewe mwuunap an epwe unuseno ewe koukun ren 5,000-10,000 aramas repwe chek non ew wik. Ina mwo ika ewe state ese tongeni epwe fateiti ukukun pisekin chek ekkewe nenien chek mei angei meren ekkewe sitowa an aramas, state mei tongeni an epwe fatengeni ukukun aramas ir mei chek me non Oregon, ina met a anisi ngeni an epwe fat ukukun chon ra chek me non Oregon (katon Chepen 1 mei nomw fan). Non ei koukun fansoun, a ukukun chon ra chek me non Oregon a 9,000-16,000 iteiten wik seni ewe April (katon Chepen 1 mei nomw fan). Ika mwo pwe ei ukukun chon ra chek iteiten wik mei chok nanapeno, mei pwano pwe mei ekis ochuno fetanin kaworen ekkewe pisekin chek, mei weires ach sipwe tongeni sinei ika epwe sopwosopwono met sipwe kuna non ekkun wik sipwe tonong non.

lei kich mei mwo sinei ussun weiresein kaworen ekkewe pisekin chek, OHA mei mefi pwe ekkew nenien chekin ei samwaaun ir mei fiti ngeni ewe kouk an state pun ir mei chiwen chok nomw won ewe ukukun 17,000 chon chek iteiten wik. Ika pwe mei pwan wor sopwosopwun ekkewe pisekin chek, iwe ewe koukun fansoun epwe wor ewe angangen chek ngeni ekkewe chon nonomw me chon angang non meinis in ekkewe LTCF non Oregon repwe tongeni muttirino, anongonong won ewe tettenin chon repwe chek.

Chepen A-1. Ukukun chon repwe chek ren COVID-19 iteiten wik non Oregon, me mwan 2/28 – 5/15/2020*

	me mwe n- 2/28	2/29- 3/6	3/7- 3/13	3/14- 3/20	3/21- 3/28	3/28- 4/3	4/4- 4/10	4/11- 4/17	4/18- 4/24	4/25- 5/1	5/2- 5/8	5/9- 5/15	Kapac h fengen unusa n
Chon chek/ wik	4	134	501	1,526	7,398	7,871	9,790	9,097	9,171	12,684	14,481	16,787	89,444

[*Tichikin Pworousen Chek Iteiten Wik ren COVID-19 seni ewe Pekin Tumwunuuw Samwau non Oregon](#)

Niwinin an emon epwe Chek

Niwinin an emon chon nonnomw ika chon angang epwe fori ewe angangen chek mei tongeni mo ren noun we insurance, ew chok me nein ewe Medicaid, Medicare ika meni noun seni ekkewe kompanien insurance. Iwe nge , ese mwo kon fatefateoch ika ekkewe kompanien insurance repwe tongeni pwan moni ekkewe re chek nge ese mwo wor rer ewe esisinen ewe samwaa.

Ika pwe mei wor chon angang ese wor nour insurance, iwe niwinin esapw tongeni epwe mo ngeni ina mwo ika mei wor met mei kawor seni ewe CMS fan iten niwinin an emon epwe chek nge ese wor noun insurance. Ewe DHS mei wor ukukun \$3m moni mei angei an epwe fori angangen moni sefani ngeni ekkewe nenien LTC ren ekkewe chon angang re chek nge ese wor nour insurance.

Anongonong won met an ewe Pekin Tumwunun Samwaa iwe Lab non Oregon kouk ren niwinin an emon epwe chek iwe, epwe ukukun \$100. Ukukun kapach fengenin unusen niwinin an chon nonomw me chon angang non ekkew nenien tumwun non unusen ei state ar repwe chek iwe ina epwe ukukun \$6 million. Ukukun niwinin ekkewe rese wor nour insurance me pwan ekkewe re kamo seni pwan ekkoch kompanien insurance iwe ina epwe ukukun 40%, ika 2.4m.



Ka tongeni angei noumw ei taropwe non pwan fosun ekkoch fonu, ika taropwe mei watte, ika usun noun ekkewe ir rese tongeni kuna foun mak me ika non met sokkun en ke mochen.

Kokori Mavel Morales won nampa 1-844-882-7889, 711 TTY ika mak ngeni won OHA.ADAModifications@dhs.oha.state.or.us.

OHA 2721,CHUUKese (06/15/2020)